

TUSI TAIALA

MO LE PULEA MA LE VA'AIA LELEI O I'A MA FIGOTA

O LE AFIOAGA O

VAVAU

ASO 30 Aperila 2003

SAUNIA:

Pule mamalu a Alii ma Faipule ma Tagatanuu o le Afioga o Vavau ma le Lagolagosua a le Ofisa o Faigafaiva a le Matagaluega o Faatoaga ma Faigafaiva.

faalupeanga o le Afioaga :

Vavau:

Afio le Paia i le Aiga Salevalasi.

Alalatai le mamalu i le Tava na Eese.

FAASOLOGA

1	Upu Tomua	4
2	Autu	5
3	Faamatalaga e Uiga i le Afioaga	5
4	Ituaiga Faigafaiva Taatele	6
5	Tulafono Faalenuu : Fesootai ma le Siosiomaga o le Gataifale o Apolima Uta	6
6	Tapenaga o Ienei Tusi Taiala	6
	6.1 Feiloaiga muamua ma le Afioaga	6
	6.2 Faatalatalanoaga i Vaega e Tolu	6
	6.3 Komiti Faufautua o le Faasao	6
	6.4 Pasiaina o Ienei Tusi Taiala	7
	6.5 Filifilia o le Komiti o le Faasao	7
7	Fuafuaga Faataatitia a le Afioaga	7
	7.1 Faamalositia Tulaafono Faalenuu : Faasaina Faigafaiva-le-Talafeagai	8
	7.2 Ia Faasaina le toe lafoai o Lapisi i le Sami ma le Matafaga	9
	7.3 Ia Faasaina Faigafaiva mai isi Afioaga	9
	7.4 Ia faasaina ona toe Fagotaina mai I'a ma Figota Laiti	10
	7.5 Ia Faasaina ona faaogaina mea manava (fagu ea)	10
	7.6 Ia Faasaina Upega ma Tili Mata-ninii	10
	7.7 Ogasami Faasaina	11
	7.8 Tufaina atu ma le Faafaatoagaina o I'a ma Figota	12
	7.9 Taofia le Taina i lalo o Laau i autafa o Nofoga Faataufusi	12
	7.10 Ia aoina alamea	13
8	Talosaga a le Afioaga	13
9	Maliliega	13
	9.1 Oototoga	14
10	Upu Mulimuli	14
11	Komiti o le faasao o le gataifale	14
12	Faamatalaga e uiga i le afioaga	15

1. UDU TOMUA

O le faaitiitia o i'a ma figota i Samoa e afua mai i le anoanoai o mafuaaga eseese. O nisi o nei mafuaaga e aofia ai;

- le tanumia o vaega o le gataifale mo eleele-fou (fanua)
- le soona fagotaina faa-le-tatau o le gataifale e le aufaifaiva
- le faaaogaina o faigafaiva-le-talafeagai
- ma aafiaga mai i afa malolosi (Ofa 1990, Val 1991, Heta 2004) ua tuanai.

O nei faafitauli o loo tulai mai pea i gataifale o si o tatou atunuu ma o loo avea lea ma auala e faaitiitia ai i'a ma figota. O le faaitiitia o nei tamaoiga o le sami e faaitiitia ai foi porotini maua (protein) mo le taumafa tatau (taumafa paleni) mo tagatanuu o Samoa. O se atugaluga tele lea i le Malo o Samoa na faapea ai ona faatino nisi o fuafuaga faataatitia e pei ona faailoaina atu i lalo.

O le tausaga e 1988 na pasiaina ai e le Kapeneta le **Tulafono Autu Tau Faigafaiva** e faamalosi ai le (i) laiseneina o vaa-fagota mo fagotaga, (ii) faasaina le faia o faigafaiva-le-talafeagai i ogasami o Samoa. Peitai ane o nei tulafono uma e lei silafia e le toatele o tagatanuu o Samoa i ia vaitaimi. O se tasi o mafuaaga ona o le toaitiiti ma le toagaogao o le aufaigaluega. Ae o seisi mafuaga ua talitonu le taofi na faigata ona ausia ai lea tulaga ona e lei iai se polokalame i lea vaitaimi e pei o le Polokalame o le Faasao o le Gataifale mo Nuu ma Afioga. O lenei polokalame e pei ona faatinoina nei, ua fesoasoani tele i le faa-malamalamaina mo le silisfia e le mamalu o le atunuu o ia tulaga.

I le tausaga 1995 na pasiaina ai e le Kapeneta le **Tulafono Faatonutonu e Faatapulaaina ai le Laiti o I'a ma Figota**. O lenei tulafono na pasiaina ma le faamoemoe e tuu avanoa ma fesoasoani i le faasaoina o i'a ma figota ua tauau ona mou atu. O le faatapulaaina o le laiti o i'a ma figota e faataga mo le fagotaina ina ia ausia le lapopoa ina ia mafai ona tautuufua ma fanafanau e faatupulaia ai le faitau aofai o le tamaoiga o le gataifale. O loo faapipiina atu i le pito i tua o le Tusi Taiala se Pepa o Faamatalaga (6) mo faamatalaga faaopopo o lenei tulafono.

O **Tulafono Laiti** a nuu ma afioga ua amanaiaina e le Faamasinoga. O se tasi lea o auala ua tuu sao ai e le Malo le malosi i nuu ma afioga e mafai ai ona o latou molia i le tulafono soo se tagata e le usitaia tulafono ua aiaia i totonu o le Tusi Taiala a le afioga o Apolima Uta. O nei tulafono o loo i lalo o le vaega o Tulafono ma Faasalaga o le Tusi Taiala aua le pulea tatau ma le vaaia lelei o le gataifale i tulaga o ona tamaoiga ma lona siosiomaga mo se lumanai manuia. O tulafono laiti e soalaupuleina ma autasi iai le Pule Mamalu a Alii ma Faipule o afioga taitasi.

Polokalame o le Faasaoina o le Gataifale i Nuu ma Afioga

O le Polokalame o le Faasao na amataina e le Malo e taua mai lea i le auunaga a le Ofisa o Faigafaiva i le tausaga e 1995. I le amataga mai la o lenei polokalame sa faapea ona lagolago malosi ai le Malo o Ausetalia e auala mai i lana AusAID i le faa-tupeina mo le 5 tausaga seia oo mai i le tausaga e 2000 ma faamuta ai loa lana fesoasoani. Peitai na e lei muta ai i lea tausaga ona sa tauaveina loa e le Malo o Samoa le faatupeina o lenei polokalame taua. I le taimi nei, ua oo atu le aofaiga i le 85 nuu ma afioga ua faatinoina ai lenei polokalame. Peitai, mai i le 85 lea, e na o le 52 nuu ma afioga o loo tulai malosi ma faatauina pea lenei polokalame. O le talitonuga ma le faamoemoe autu o le tele o nei afioga o le silasila lea i le lumanai manuia mo tagata lautele o le afioga aemaise ai o tupulaga lalovaoa.

O le polokalame o le Faasao e galulue soosoo-tauau iai le ofisa ma le afioga i nisi o fuafuaga faataatitia aua se lumanai manuia aemaise o le toe faa-tamaoigaina o le gataifale. I le amataina o lenei polokalame e faatinoina ai ni faatalatalanoaga ma vaega eseese o le nuu e pei o le vasega

o matai, tina ma taulelea. O nei fefaasoaiga e faailoa mai ai faafitauli o loo faafeagai ma le gataifale o le afioaga. E talanoaina foi aafiaga ma mafuaaga o nei faafitauli ma soalaupule ai ni fofo. Ma sa faapea loa ona soalaupule ai e Alii ma Faipule, tagatanuu o le afioaga ma le ofisa nisi o fuafuaga

faataatitia e foia ai nei faafitauli. O se faataitaiga o se fuafuaga faataatia a le afioaga i lenei polokalame o le faia lea o se ogasami faasao e faasa ona solia, kolosiina pe fagotaina foi.

O nisi o fuafuaga faataatitia e tele ona faaogaina e afioaga mo le pulea ma le vaaia lelei o tamaoaiga (i'a ma figota) o le gataifale e aofia ai le faasaina o;

- vaillau oona
- fanaia
- ava-niu-kini
- tuiga, faamoa, saeuga
- i'a ma figota laiti
- upega ma tili mataninii
- lama moli-uila i po

O nisi o fuafuaga o Tusi Taiala i le tele o afioaga mo le pulea tatau ma le vaaia lelei o le siosiomaga o le gataifale e aofia ai le;

- aoina o alamea (crown-of-thorn starfish)
- faasaina o le lauina o le oneone o matafaga
- lafoai o lapisi i le gataifale (matafaga)

O lenei polokalame e taua tele mo le lumanai manuia o Samoa ma ona tagatanuu. O le faaleleia o le siosiomaga ma le faatuputupulaia o le tamaoaiga o le gataifale o se faamoemoe e talitonu e mafai ona faatinoina i o tatou lava lima. E faa-tauaina tele le lagolagosua a le Pule ma le Faamalumaluga a Alii ma Faipule o afioaga i lenei polokalame.

2. AUTU

O le autu sa faatalatalanoaina ma malilie autasi ai i taimi o faatalatalanoaga i vaega taitasi o le afioaga o Vavau.

Ina ia puipuia le siosiomaga o le gataifale ma Toe faatupulaia o i'a ma figota mo tupulaga o le lumanai

3. FAAMATALAGA E UIGA I LE AFIOAGA

O le afioaga o Vavau e i le itu i saute i sasae o le motu o Upolu. O lona faitauaofai e tusa ma le 700, e aofia ai matai, tina ma tamaitai, aumaga ma tamaiti. O lenei aofaiga e le o faitaulia ia i latou ua faimalaga atu i atunuu i fafo ma aumau ai i Niusila, Ausetalia, Amerika ma isi atunuu.

O loo i ai foi se faletalimalo ua faaigoaina o le Vavau Beach Fales i le itu i Sisifo o le afioaga ua faaagaaga mo malo fegasoloai aemaise tagata tafafao mai fafo poo turisi.

E tolu ni tapuaiga i totono o le afioaga o Vavau, (o le EFKS, Aupaia o Aso e gata ai, Faapotopotoga a le Atua), ae tasi le Aoga Tulaga Lua ma le Aoga Faataitai o loo agai i ai nisi o alo ma fanau o le afioaga.

O Vavau e i ai lona aau e mai lava i le itu i Sasae seia paia le itu i Sisifo. O lona mamao pea ma le 1 maila. O le umi o le aau pea ma le 200 mita mai le matafaga. O le vaega pito i loloto o le aloalo e tusa ma le 10 futu i taimi e sua ai le tai ao nisi pito pito e mago atoa pea oo ina pe le tai.

O lenei afioaga e mamalu tele ona pulega aua e pulea lelei e Alii ma Faipule o le afioaga. O aumaga e lava saunia i taimi uma aua le tautuaina o matai, o tina latou te avatua fautuaga lelei mo ni mataupu tau lotoifale o le afioaga.

4. ITUAIGA FAIGAFAIVA TAATELE

E tele ituaiga faigafaiva e mafai ona faatinoina i le aloalo o le afioaga o Vavau. O nisi o nei ituaiga faigafaiva e iai matatao, uua malau (toso), ma le faaogaina o uepga mo le fofoga taumafa o le aiga, pe faatau foi. O le aoina ma le eliina o figota i luga o le aua o le galuega patino lava lea a tina ma le fanau mo taumafa a le aiga.

O le tele o i'a sa maua i aso ua mavae ua faigata ona maua i aso nei. O i'a o le aloalo e iai lo, tuuu, gatala, poge/alogo, anae ma mataeleele sa tele ma faigofie ona maua i le 40 tausaga talu ai. O figota e i ai le sisi, faisua ma sea/loli/fugafuga/mamao sa tele i aso ua mavae, peitai i le taimi nei, ua pau maualalo lo latou faitau aofai, o nisi taimi ua le maua ma e tele ni itula e faaluina i fagotaga, faatoa maua mai, faatusatusa i le 40 tausaga ua mavae.

5. TULAFONO FAALENUU : FESCOOTAI MA LE SIOSIOMAGA O LE GATAIFALE O Vavau.

E iai tulafono a le afioaga nei sa faatulagaina mai i aso ua mavae e faasaina ai faigafaiva le talafeagai e pei o fanai'a, ava niukini, vailaau oona, ma tane mauulu i gataifale o le afioaga. Ua faamalositia foi le tulafono e faasaina ai tagata mai isi afioaga ona toe fagotaina gataifale o lenei lava afioaga. O le faafitauli e faafeagai ma le faamalositia o nei tulafono aemaise i tagata mai isi afioaga ona e faafeagai ma le faamalositia o nei tulafono aemaise i tagata mai isi afioaga one e fagogota mamao mai le matafaga e faigata ona iloa tonu ai latou.

6. TAPENAGA O LENEI TUSI TAIALA

O lenei tapenaga sa saunia lava e tagatanuu o le afioaga o Vavau faatasi ai ma ni fautuaga ma le lagolagosua a le Ofisa o Faigafaiva. O se oototoga lenei i le tapenaga o lenei Fuafuaga ina ua maea ni fonotaga sa faia ua taua i lalo:

6.1 Feiloaiga Muamua ma le Afioaga

O le amataga o lenei polokalame, sa muai faatoai mai le finagalo o le Pule Mamalu a Alii ma Faipule e faatatau i le Polokalame mo le Puipuiga o le Gataifale.

O le Aso Faraile 28 Mati 2003 sa faia ai le uluai feiloaiga, poo le fono muamua a le Ofisa ma le afioaga e faamalalalama ai le polokalame pe taliaina e le afioaga. O le fono foi lena sa auai ai le Faatonu Lagolago, Alii ma tamaitai Ofisa e taliaina aloaia le finagalo o le afioaga i le polokalame. O le maea o lenei feiloaiga muamua ma taliaina lelei e le afioaga le polokalame ma faia ai lava ma faatalatalanoaga ma vaega e tolu o le afioaga e aofia ai Alii ma Faipule, Komiti a Tina ma Tamaitai ma le aumaga.

6.2 Faatalatalanoaga i Vaega e Tolu

O le taua o lenei faatalatalanoaga, e vaevaeina ai le afioaga i vaega a matai, tina ma le aumaga. O nei vaega e tolu sa faatalatalanoaina e sui o le Ofisa o Faigafaiva. O le autu tonu o nei faatalatalanoaga ina ia mafai e le afioaga ona faailoa mai faafitauli o loo aliae mai i le siosiomaga o le gataifale o Vavau, ma sailia ai ni aafiaga ma ni mafuaaga o nei faafitauli, aemaise o ni fofo, faatinoga ma i latou e faatinoina nei

fofo. O lenei faatalatalanoaga sa faia lava i le aso 02 Aperila 2003.

6.3 Komiti Faufautua o le Faasao

O le matafaioi a le Komiti lenei, o le tuufaatasia lea o faamaumauga ma faamatalaga mai vaega taitasi ma sa mafai ai ona latou tapenaina se ata faataitai o le Pulea o le Siosiomaga o le Gataifale ma le Vaaia lelei o i'a ma figota.

6.4 Dasiaina o le Tusi Taiala.

O le faagasologa atoa nei o fuafuaga ua tamauina i totonu o le Tusi Taiala mo le Vaaia Lelei o i'a ma figota o lo latou gataifale. O lenei fuafuaga, o se malilliega i le va o le afioaga ma le malo, ua tamauina ai fuafuaga faataatitia a le afioaga, atoa ai ma le lagolagosua mai a le Ofisa o Faigafaiva. O lenei fuafuaga sa tuuina aloaia i le Fono e sui o le Komiti Faufautua, i le latou fonotaga ma sui o le Pulega a le Ofisa o Faigafaiva. O le pasiaina o lenei Fuafuaga, o se ki e mafai ai e le afioaga ma le Vaega o Faigafaiva ona faatinoina soo se galuega tataua ma maea ona fuafua lelei. O le fono foi lea e filifilia ai se Komiti e taitaia le faagaioiga o fuafuaga ua uma ona faataatitia, ma vaaia lelei vaega uma e aiai mo lelei alualu i luma o lenei fuafuaga taua a le afioaga o Vavau.

6.5 Filifilia le Komiti o le Faasao

O le Komiti o le Faasao sa filifilia mai i vaega taitasi i taimi o faatalatalanoaga, latou te mataituina fuafuaga faataatitia a le afioaga. E maea loa le pasiaina o le Tusi Taiala, o le a fesootai lava le Ofisa ma le Komiti i tulaga uma e manaomia ai le fesoasoani e pei ona autasi ma tamauina i le Taiala.

7. FUAFUAGA FAATAATITIA

O fuafuaga faataatitia o ni gaioga ua faamoemoe e faaono foia ai faafitauli ua fa'aalia ma faailoa mai e vaega eseese o le afioaga. E lua (2) ituaiga o fuafuaga, ma o le fuafuaga ua aupito sili ona taua o **fuafuaga faataatitia a le nuu.**

O le isi vaega o fuafuaga faataatitia a le Ofisa o Faigafaiva ma o nei fuafuaga, o le a tuuina atu ai fautuaga ma fesoasoani i nisi auala e pei o aoaoga ma le tufaina atu o pepa o faamatalaga i mataupu e fesootai i le gataifale. O galuega uma lava e faatinoina e le Ofisa o Faigafaiva, e ao ona faamaonia e le faatonu lagolago (Assistant Chief Executive Officer) a le Matagaluega o Faatoaga ma Faigafaiva.

I taimi o faatalatalanoaga i vaega taitasi, e tele ni mafuaga sa faailoa mai ae auga lava i le faafitauli ogaoga, o le faaititia lea o i'a ma figota i le aloalo ma le aau o le afioaga o Vavau.

O mafuaaga ma o latou aafiaga i le siosiomaga o le gataifale sa faapea ona iloilo ina ma sailia. O tali o faafitauli ma fofo, poo auala e foia ai na iloilo ina foi i faatalatalanoaga. E le gata i lea, sa faailoa mai ai foi ma vaega latou te faatinoina nei galuega.

O le vaega i lalo o le a auililiina atu ai atoataoa fuafuaga faataatitia sa aoina mai i vaega taitasi ma tuufaatasia e le komiti faufautua ma le lagolagosua a le Ofisa o Faigafaiva.

Tulafono Autu Tau Faigafaiva (1988) : O le tulafono a le Malo o Samoa e:

(1) Faasaina ai Faigafaiva-le-Talafeagai.

(2) Faamalosiaina ai le laiseneina o Vaa-Fagota.

Tulafono Faatonutonu Mo le Laiti Faatapulaaina o I'a ma Figota (1995) : O le tulafono lea e faatapulaaina ai le laiti o i'a ma figota, mo le fuaina o mataupega.

Tulafono Laiti : O tulafono a nuu ma afioaga ua amanaiaina e le faamasinoga.

TULAFONO MA FAASALAGA

7.1 Faamalosia Tulafono faaa-le-nuu: Faasaina Faigafaiva le Talafeagai

Na faaalua e vaega taitasi i taimi o faatalatalanoaga, o loo faaauauina pea le faaogaina e faifaiva o fanai'a, ava niu kini ma vailaau oona i fagotaga. O nei faigafaiva le talafeagai ua mautinoa lo latou tulaga ogaoga i le faatamaiaina o le siosiomaga o le gataifale. Ua aafia ai i'a laiti aemaise o nofoaga taua mo meaola o le sami mo lo latou malu puipuia, e pei o amu. O le faaleagaina o le gataifale mai nei ituaiga auala faafaigafaiva e umi ma tele se taimi e toe faafoi ai i le lelei sa iai.

Fuafuaga Faataatitia a le Afioaga

Talu ai ona o le tulaga pagatia ua iai le gataifale o lenei nuu o Vavau, o lea ua ae ai se finagalo autasi i le Komiti ua filifilia ina ia matua faamalosia loa tulafono a le afioaga e faasaina ai faigafaiva le talafeagai e pei o fanai'a, ava niu kini ma vaila'au oona. O le puipuiga ma le faamamaluina o nei tulafono, o le a i aao lava o le pule mamalu a Alii ma Faipule faatasi ai ma le lagolagosua a tagata nuu o le afioaga.

Fautuaga

Ia toe faamalosia ma faamamaluina tulafono a le afioaga ua taua i lalo mo le faasaina o faigafaiva le talafeagai.

Tulafono

Mo le mamalu o le atunuu atoa ai ma tagatanuu o Vavau:

Ua matua faasaina lava faigafaiva le talafeagai e pei o fanai'a, ava niukini ma vailaau oona ona toe faatinoina i gataifale o Vavau e amata mai i le tuaoi i sasae se ia oo atu i le tuaoi i sisifo o le afioaga.

Faasalaga

Mo tagata o le afioaga e solia lenei tulafono, o le a faasalaina i le 5 puaa tetele po o le \$250.00.

O tagata mai isi afioaga o le a molia sao i le Tulafono Autu a le Malo o Samoa ma Tulafono Laiti a le Afioaga.

Fuafuaga Faataatitia a le Ofisa o Faigafaiva

O le a fesoasoani le Ofisa o Faigafaiva i le faatinoina o fuafuaga faataatitia a le afioaga e ala atu i lana polokalame fesoasoani mo aoga tau faigafaiva, ma saunia pepa o faamatalaga mo le faamalamalama atiliina o nei fuafuaga.

7.2 Ia Faasaina le toe Lafoai o Lapisi i le Sami ma le Matafaga

O le faasaina o le lafoai o lapisi ma otaota i le sami, ua avea ma mafuaaga o le faateleina ai o namu, ma manunua ai nisi o faifaiva i atigiapa, atigifagu ma uamea. Ua faapena ona avea ma punaaga o faamai ma tulai mai foi o se nofoaga le talafeagai mo le ola lelei o ia ma figota i le gataifale.

Fuafuaga Faataatitia a le Afioga

O le a faamalosia e le afioga fuafuaga a le Malo e faasaina ai ona toe lafoai lapisi i le matafaga ma le sami ae saunia ni galuega mo le afioga atoa e faamama ai lapisi, e pei o le fausiaina o fata lapisi po o le eliina o se lua e lafoai iai.

Tulafono

Ua matua faasaina ona toe lafoai lapisi ma otaota e pei o atigi apa, atigifagu, uamea, ma pepa iila, i le sami ma le matafaga, e ono aafia ai le gataifale o lenei afioga.

Faasalaga

Mo tagata o le afioga e solia lenei tulafono, o le a faasalaina i le \$50.00

O tagata mai isi afioga e solia lenei tulafono o le a molia sao i Tulafono Laiti a le Afioga.

Fuafuaga Faataatitia a le Ofisa o Faigafaiva

O faamatalaga eseese e faatatau i aafiaga o le siosiomaga o le gataifale ma ona tamaoaiga o le a fesoasoani atu ai le Ofisa o Faigafaiva e aotauina ai le afioga i le taua o le teu maluina o lapisi ma otaota i nofoaga talafeagai. O le a faia foi se polokalame i le Televisi e faalauiloa atili ai le taua o le siosiomaga mama.

7.3 Ia Faasaina Faigafiva mai isi Afioga

Na taua e le mamalu o le afioga, ua maitauina le toatele o tagata mai isi afioga o loo latou fagotaina gataifale o le afioga o Apolima Uta. Ua le gata i lea, latou te faatamaia foi le gataifale i ni auala le talafeagai ma ua utiuti ai le tamaoaiga e maua mai i aloalo o loo faalagolago iai le afioga.

Fuafuaga Faataatitia a le Afioga

Ua iai le fuafuaga a le afioga o le a faia se Tulafono e faasaina ai tagata mai isi afioga ona fagotaina lo latou gataifale.

Tulafono

Ua matua faasaina lava tagata mai isi afioga ona toe fagotaina gataifale o Vavau, e faaaogaina ai faigafaiva le talafeagai e pei o fanaia, ava niu kini, vailaau oona, faguea ma isi lava ituaiga o faigafaiva.

Faasalaga

O tagata o le afioga e auala mai ai faigafaiva o le a faasalaina i le \$250.00. o tagata ese o le a molia sao i le Tulafono Faatonutonu o Faigafaiva a le Malo o Samoa.

Fuafuaga Faataatitia a le Ofisa o Faigafaiva

O le a lagolago malosi le Ofisa o Faigafaiva i so o se fuafuaga a le afioga ua talafeagai lelei ma tulafono faa-le-malo e puipuia ai le siosiomaga o le gataifale. Ua maea saunia foi pepa o faamatalaga mo le faamalamalama atiliina o nei fuafuaga ma lo latou taua.

7.4 Ia Faasaina ona toe Fagotaina mai i'a ma Figota Laiti

O le tele o afioaga ua latou faaalua mai le toatele o faifaiva latou te fagotaina mai i'a ma figota laiti. O le mafuaaga lea ua vave faaititia ai i'a ma figota, ona ua le maua se avanoa e tautuufua ma fanafanau ai.

Fuafuaga Faataatitia a le afioaga

Ua iai le fuafuaga a le Afioaga, o le a lagolagoina le Tulafono o Faigafaiva mo le lapopoa faatapulaa e fagotaina ai i'a ma figota.

Tulafono

Ua matua faasaina ona toe fagotaina i'a ma figota laiti, mai le gataifale o Vavau, e pei ona faaalua i le Tulafono Faatonutonu o Faigafaiva a le Malo o Samoa.

Faasalaga

Soo se tagata-nuu na te le usitaia lenei tulafono o le a faasalaina i le 5 puaa tetele po o le \$250.00.

O tagata mai isi afioaga o le a molia sao i le Tulafono Faatonutonu o Faigafaiva a le Malo o Samoa mo le fua faatapulaa o i'a ma figota.

Fuafuaga Faataatitia a le Ofisa o Faigafaiva

O le a fesoasoani le Ofisa mo le faamalosi o Tulafono Faigafaiva mo le fua faatapulaa o i'a ma figota aemaise le saunia o pepa o faamatalaga e faamalamalama ai le puipuiga o le fagotaina o i'a ma figota laiti.

7.5 Faaogaina o mea manava (fagu'ea)

Sa faaalua e vaega taitasi o le afioaga o loo maitauina ea le faaogaina o mea manava e pei o faguea ma moluila i faigafaiva aemaise lava i faifaiva mai isi afioaga. O nei ituaiga faiva ua masalomia ai ma le faaogaina faatasi ma faigafaiva le talafeagai e pei o fanaia ma vailaau oona. O le faaogaina o nei faigafaiva ua maitauina le tele o i'a ma figota e maua ai peitai o le a oo ai le siosiomaga o le gataifale i se tulaga faaletonu i le lumanai pe a faaauaina pea ona faaogaina o nei ituaiga o mea fagota.

FUAFUAGA FAATAATITIA A LE AFIOAGA

Ua fautuaina e alii ma faipule atoa ai ma aumaga le taofia ma faasaina loa le toe faaogian o fagu ea ma mea manava i faigafaiva. Ua autasi foi le afioaga o le a fausia se tulafono e faasaina ai le toe faaogaina o nei ituaiga faigafaiva i fagotaga i po i gataifale o le afioaga.

FUAFUAGA FAATAATITIA A LE OFISA O FAIGAFAlVA

o le a fesoasoani mai le Ofisa o Faigafaiva e auala lea i faamatalafa e faamalamalamaina ai lenei mataupu mo le silafia o le Afioaga. E le gata i lea a o le tapenaina lea o tulafono e faasaina ai le faaogaina o nei faigafaiva.

7.6 Ia Faasaina Upega ma Till mata-ninii.

O le faaogaina o upega ma tili mata-ninii ua maitauina le tele o i'a laiti ua faatamaia ai. Ua iai le talitonuga o le a oo atu i se tulaga faaletonu i'a maua, pe a faaauaina pea le faaogaina o nei ituaiga faigafaiva. O le a oo ina faaititia i'a e mafai ona oo atu lo latou lapopoa e maua ai le avanoa e fanafanau ma tautuufua ai.

Fuafuaga Faataatitia a le Afioga

Ua faailoa mai e le Komiti o le faaaogaina o upega ma tili mata-ninii. O se tasi lea o mafuaaga ua faaitiitia ai i'a maua i le gataifale. O lea ua aiaia ai loa se tulafono ina ia faasaina ai upega ma tili mataninii ona toe faaaogaina i fagotaga i le gataifale o le afioga. Ua faapea foi ona faaalua mai e le afioga lo latou matua lagolagoina o le tulafono o Faigafaiva a le Malo ua iai nei mo le faatapulaaina o mataupega ma tili.

Tulafono

Ua matua faasaina lava ona toe fagotaina upega tatao e i lalo ifo o le 2inisi (50mm) ona mataupega faapea foi ma tili, ia le i lalo ifo o le 1.2inisi (30mm), i le gataifale a Vavau.

Faasalaga

O soo se tagata o le afioga e solia lenei tulafono o le a faasalaina i le \$50.00

O tagata mai isi afioga o le a molia sao i le Tulafono Faatonutonu o Faigafaiva a le Malo o Samoa.

Fuafuaga Faataatitia a le Ofisa o Faigafaiva

O se lagolagosua mai le Ofisa o Faigafaiva e ala i lana Polokalame Fesoasoani o le tuuina atu o faamatalaga e saga faamautuina ma faamaopoopoina ai lenei tulafono.

7.7 Ogasami Faasaina

O se vaega o le gataifale ua faasaina, e le tatao ona toe aafia i ni faigafaiva. O le avea o se nofoaga o le gataifale ma nofoaga faasao, e ao ona aafia ai le malupuipua o le siosiomaga ma ona tamaoaiga i figota ma i'a.

O lenei nofoaga faasao, o le a faasaina ai amu, aau, faapea ma i'a ina ia mafai ona maua e nei meaola le avanoa e tautuufua ma fanafanau ai. O le autu taua lava, o le a avea lenei faasao ma punaaga o i'a ma figota o loo aumau i vaega faasaina, ma o le a tafefea atu o latou fua fanau ma faaatupuina ai nisi meaola i nofoaga ua le maua ai nisi i'a ma figota. O le a le pine ae manuia ai si o tatou atunuu, aemaise o tupulaga o le lumanai.

Fuafuaga Faataatitia a le Afioga

- * Galulue faatasi ma le lagolagosua a le Ofisa o Faigafaiva i le iloiloina o se vaega talafeagai o le gataifale e avea ma vaega faasaina.
- * Talanoaina ma auiliiliina le lipoti ma ia faia se faaiuga i le faavaeina o le ogasami faasaina.
- * Faatinoina le mataituina, tausiga ma le vaaia lelei o le ogasami faasao.

Tulafono:

Ua matua faasaina lava soo se tagata (tagat nuu ma tagata mai isi afioga) ona toe faatinoina soo se ituaiga faigafaiva, taelega, solia, pasia pe uia e vaa fagota ma soo se tasi totonu o lenei ogasami faasaina.

Faasalaga:

Soo se tasi o le afioga na te solia lenei tulafono o le a faasalaina i le \$250.00

O tagata mai isi afioga o le a molia sao i le Tulafono Faatonutonu o Faigafaiva a le Malo o Samoa.

Fuafuaga Faataatitia a le Ofisa o Faigafaiva

- * Faatinoina le iloiloga o le tulaga talafeagai o se vaega o le gataifale e avea ma nofoaga faasaoina.
- * Saunia le lipoti mo le tuuina aloaia atu i le Komiti o le Ofisa ma le Fono.

7.8 Tufaina atu ma le Faa-faatoagaina o l'a ma Figota

O l'a ma figota o loo aumaia i isi atunuu i fafo atu o Samoa, e faa-faatoagaina ma tausia lelei i se nofoaga ua maea saunia e le Ofisa o Faigafaiva mo le faafaatoagaina o l'a ma figota e pei ona iai i Toloa. O le tufaina atu o l'a ma figota, e faamautu ma tufatufaina i nuu ma afioaga, i se ogasami ua talafeagai ma mautinoa lelei lo latou talafeagai mo le ola saogalemu o l'a ma figota. O le tufaina atu ma faa-faatoagaina, o nisi o atinae mo le faatupuina o figota aua le fofoga taumafa o afioaga. O nei auala faa-atinae e moomia ai tele le galulue filiga, felagolagomai ma le faamaoni o tagatanuu o afioaga taitasi ina ia ausia se taunuuga lelei.

Na faaalua mai e vaega taitasi, o nisi o figota sa masani ona maua i lo latou gataifale ua tauau ina mou atu. Ua masalomia lo latou le toe maua i le taimi nei, ma ua latou faatalosagaina ai ni figota e faa-faatoagaina i lo latou gataifale.

Fuafuaga Faataatitia a le Afioga

Ua iai le fuafuaga a le afioaga o le a latou mataituina ma vaaia lelei figota o le a faaooina atu e faa-faatoagaina i aloalo aemaise o le mautinoa lelei o lo latou saogalemu mai le faaleagaina.

Fuafuaga Faataatitia a le Ofisa o Faigafaiva

O le galuega fesoasoani a le Ofisa e tufaina atu figota e faa-faatoagaina i aloalo ma iloilo ina le tulaga talafeagai o le gataifale mo nei figota. Ua maea saunia lelei foi ni pepa o faamatalaga e faamalamalamaina ai le olaga faa-natura o nei figota aemaise o le mataituina ma le tausia lelei e puipuia ai mai le faatamaiaina.

7.9 Taofia le Taina i lalo o Laau i autafa o vaitafe

O le taina i lalo o laau i autafa o nofoaga faa-taufusi, ua avea lea ma faapogai o le palapala tafia ma agai atu le sami. O ia palapala o loo filogia faatasi mai ai ma nisi o fetilaisa poo faalelei eleele o loo faaogaina e le au-faifaatoaga mo a latou faatoaga. E mafai e palapala nei ona faatupuina mai le limu ua tele ina faaleagaina ai e anoano o meaola o loo ola i le sami. Ua le gata i l'a ma figota ae ua faapena foi ona faaititia ai amu i le gataifale.

Fuafuaga Faataatitia a le Afioga

Na faaalua mai e le Komiti o le Faasao, o se tasi lea o mafuaaga ua ala ai ona faaititia l'a ma figota. O lo manatu ua tataua ona faia se fuafuaga a le afioaga e vave foia ai lena faafitauli ua aliaie mai. O lea ua matua fautuaina ai e le Komiti tagata uma o le afioaga ina ia taofia loa ma faasaina lena fuafuaga, o le taina i lalo o laau o loo ola i autafa o vaitafe.

Tulafono

'Ua matua faasaina lava ona toe taina i lalo laau i tafatafa o vaitafe o lena afioaga o Vavau.'

Fuafuaga Faataatitia a le Ofisa o Faigafaiva.

O le a mafai ona faia pea ni tautalaga ma ni polokalame faa-le-aoaoga ina ia faamalamalama atili ai tulaga uma e foia ai faafitauli o loo aliae mai, ma ua taua i luga.

7.10 la acina ma faatamaia Alamea.

O le alamea o se meaola o le ituaiga o le aveau ma e nofo i luga o le aau. O lenei meaola e na te aina meaola ninii ua taua o POLIPE o loo tutupu mai ai amu. A oo ina faateleina le alamea o le a faapena ona latou faatamaiaina se vaega tele o le aau ma avea ai o se tulaga pagatia. O le a aafia ai le tele o meaola o loo faalagolago i le aau mo nofoaga ma meaai. E le mafai ona faaumatia le alamea i le vaevaeina o lona tino i le sami, aua e mafai ai e itu tino ona faatupuina ma ai nisi alamea fou.

E pau le auala e mafai ona tapeina ai lenei meaola o le aoina mai lea i uta i le pau mautu e faamagoina ai pe tanuina foi, pe susunuina. E mafai ona faaaogaina lona tino pe a mago, ma o se faalelei eleele mo faatoaga ma mea toto.

FUAFUAGA FAATAATITIA A LE AFIOAGA

Ua faailoa mai e le afioaga o Vavau, o le alamea o se tasi lea o mafuaaga o le pe o le amu o le gataifale. E aafia ai foi le soifua o tagata faifaiva ma ua fautuaina ai e le komiti ina ia faatinoina le aoina i uta mo le faatamaiaina.

FAUTUAGA

Ua fautuaina e le komiti faufautua o le aoina mai i uta o alamea, o le galuega e patino lava i tagatanuu o le afioaga. O le faatinoina o lenei fuafuaga, o le a aoina alamea tai ono masina ma aumai i le pa'u matu e faatamaia ai ma faaaogaina mo faalelei eleele.

FUAFUAGA FAATAATITIA A LE OFISA O FAIGAFAlVA

E leai se polokalame a le malo ua fuafuaina e totagi ai le faatamaiaina o alamea, vagana ai ni fautuaga e fesoasoani atu ai le Ofisa i auala e talafeagai e tineia ai lenei meaola faalafua, e ala lea i pepa o faamatalaga ua maea ona saunia.

S TALOSAGA A LE AFIOAGA

O talosaga uma sa mafai ona tuuina mai e sui o le afioaga sa auai i fonotaga ma le Ofisa o Faigafaiva i taimi o faatalatalanoaga ma Vaega e Tolu. O talosaga uma foi la ua tuuina mai sa faamautuina e le Komiti o le Faasao i la latou fonotaga ma le Ofisa.

O talosaga uma sa tuuina mai o loo faailoa atu i lalo.

- Ogasami Faasaoina
- Vaa Fagota
- Tilapia
- Faisua, Aliao, Alili ma isi Figota
- Aoaoga i mea tau faigafaiva (fausiaina o mea fagota, tausaiaina o afi o vaa, tausai ma le vaaia lelei o faisua, ma isi aoaoga)

9. MALILIEGA

Ua i ai le maliliega o le galulue soosoo tauau uma vaega i le puipuiga o le siosiomaga o le gataifale mo le manuia o tagatanuu o le afioaga aemaise o tupulaga o le lumanai. O lea manuia e mafai ona maua pe a

faatinoina uma fuafuaga aataatitia ua tamauina i le Fuafuaga Tatau mo le Pulea ma le Vaaia lelei o ia ma figota o le afioaga

Toe iloiloina o lenei Fuafuaga Tatau

9.1 OTOOTOGA

O le toe iloiloina o lenei fuafuaga tatau, e sailia ai le agai i luma ma lona toe suesueina ina ia faailoa le taua ma le aoga o lenei polokalame i totonu o nuu ma afioaga, aemaise o ni auiliiliga maumaututu, i le tulai mai o galuega fai a le afioaga ma le ofisa i le faataunuuina o fuafuaga faataatitia e pei ona taua i luga. O lenei foi iloiloga e lipotia ai le manuia ma ni faaletonu o le polokalame talu ona faavaeina i le afioaga.

FUAFUAGA FAATAATITIA A LE AFIOAGA MA LE OFISA O FAIGAFAIVA

Ua iai le maliliega a le Komiti faufautua a le afioaga ma le Ofisa o Faigafaiva o le a toe auiliiliina lenei Fuafuaga Tatau pe a maea le ono(6) masina talu ona pasia lenei tusi i le Fono Tele. O le a toe feutagai le Komiti ma le Ofisa i se aso o le a atofaina pe a atoa le 6 masina.

10. Upu Mulimuli

O le auai o le afioaga o Vavau i le Polokalame mo le Pulea ma le Vaaia lelei o ia ma figota ua mautinoa le manuia o le afioaga i ni tausaga o i luma. O le manuia ma le alualu i luma o lenei Polokalame e faalagolago tele i le galulue faatasi o le afioaga ma le malo e tauala atu i le Ofisa o Faigafaiva i le faatinoina o fuafuaga faataatitia ua mae soalaupuleina i le tele o fonotaga ma faatalatalanoaga sa faia.

O lenei polokalame o se galuega e umi se taimi e faatali ai ni tali faaaliali ma sona lelei, o lea e taua ai mo le silafia e tagatanuu o le afioaga. O i latou o le a talisapaia ma aeae i nei manuia o tupulag ao le lumanai o le afioaa. O lea ua ae ai se tofa i le Afioaga e faia se polokalame faapenei a le Malo e fesoasoani ai e toe tapue mai le tamaoiga o le gataifale o le afioaga ua tauau ina mou atu.

11. komiti o le faasao o le gataifale

Komiti a Matai :

Oloialii Faataui
Matai Tauiai
Popo Afele
Tauanuu Fagaofe
Tuaoi Pulusila
Samala Vaiuli Malo
Ainuu Tapale
Ufivelesii Siinei

komiti Tina

pili Malotau
Leinafo Siinei
Fofoa Gago
Venise Karauna
Karina Fiso Soloi

Komiti Aumaga

Seko Tago
Ikapoti Pilato
Sapati Tunufai
Ioane Femeaiai
Vesesi Fiso
Ropati Vaalele
Vaafuti Tevita
Maefa Maiava Sasita

12. Faamatalaga e uiga i le afioaga

Ituaiga Faigafaiva	Taimi faaalu i fagotaga.	O ai e faatinoina nei faigafaiva.			O le faaaogaina o i'a/figota maua.		
		Alii	Tamaitai	Tamaiti	Aiga	Faatau	Aiga/Faatau
maulu & matatao	2/3 itula/aso	√					√
ofe	1-2 itula/aso	√		√	√		
upega	1 itula/aso	√				√	√
aoina o figota	2 itula/aso	√	√	√	√		
Pulu/ laina	1	√					√
Tuiga/faamoa	E le o toe faia						
Aoina o figota	2		√	√	√		

Faamatalaga Faaopoopo

- Faigafaiva ua faasaina - ava niukini , tuiga, faamoa, tane maulu, lama moliuila
- Faasaina foi tagata mai isi afioaga ona fagotaina gataifale o Vavau.

Faamatalaga 2: Ituaiga Faigafaiva e faatinoina i aso uma.

Faamatalaga 3: Ia ma Figota

Ituaiga I'a.	Ituaiga Faigafaiva
Lo	Upega
pone	Maulu/matatao
Mataeleele	Upega/pulu/laina
Ituaiga Figota.	
Alili lapopoa	Ao
Faisua	Maulu/ao
Sea	Ao

--	--

Faamatalaga 1:

- **Faitau aofai o tagata**

Aofaiga o matai	40
Aofaiga o Aumaga	72
Aofaiga o faletua ma tausí	110
Aofaiga o tamaiti	

- **Ituaiga Ekalesia**

EFKS	
Mamona	
Faapotopotoga a le Atua	

- **Aoga**

Tulaga Lua	
------------	--